

Theologische Fakultät
Lehrstuhl für Praktische Theologie
Prof. Dr. Thomas Schlag
Kirchgasse 9
CH-8001 Zürich
Tel.: 0041 44 634 47 85
E-Mail: thomas.schlag@theol.uzh.ch

STUDIE „KIRCHLICHE BILDUNG MIT KINDERN UND JUGENDLICHEN
WEITERENTWICKELN“
KIRCHGASSE 9, CH-8001 ZÜRICH

A las presidentas ed als presidents da las corporaziuns evangelicas ed a las personas respunsablas per spüertas da fuormaziun ecclesiastica sün s-chalin primar e lavur cun confirmand(a)s

WISS. MITARBEITERIN
FABIENNE GREUTER
Tel 078 775 68 33
Auskünfte zur Studie erhalten Sie gerne per
Mail an: fabienne.greuter@uzh.ch

Turich, in mai 2021

Invid da partecipaziun al stüdi „Sviluppar inavant la fuormaziun ecclesiastica cun uffants e giuvenils“

Stimadas presidentas, stimats presidents da las corporaziuns evangelicas, stimadas personas respunsablas pellas spüertas da fuormaziun ecclesiastica sün s-chalin primar e la lavur cun confirmand(a)s

Cun quista charta Tils lessan nus invidar da's partecipar sco raspada al stüdi «Sviluppar inavant la fuormaziun ecclesiastica cun uffants e giuvenils». Quist stüdi gnarà realisà da las facultats teologicas da Turich e Berna d'ürant ils ons 2021 fin 2023.

Per che vaja in quist stüdi?

Il stüdi as cumpuona da duos parts: D'üna vart daraja ün **Stüdi davart la lavur da confirmand(a)s** (KACH – Konfirmationsarbeit in der Schweiz). Quist es part da la „Rait europeica per lavur da confirmaziun“ e vain realisada fingià per la terza jada. Da l'otra vart daraja ün **Stüdi davart las spüertas da fuormaziun ecclesiastica sün s-chalin primar** (RAPS – Religionspädagogische Angebote auf Primarstufe). Üna tala retschercha nun haja amo dat in Svizra, uschè ch'ella po dar üna invista empirica illa domena da fuormaziun ecclesiastica da quist età importanta.

Tuots duos stüdis dessan pussibiltar üna megltra orientaziun davart experienzas cun ed aspettativas invers **programs da fuormaziun ecclesiastica**. Per la prüma jada as poja examinar e congualar uossa eir **l'interacziun da tuottas duos gruppas d'età**, pustüt in vista a la **fasa da transiziun da la scoula primara a la confirmaziun**.

Quatras as dan tanter oter las seguintas **dumondas**:

- Che consequenzas han concepziuns differentas da fuormaziun ecclesiastica per las experienzas dad uffants e giuvenils?
- Che experienzas influenzeschan la tenuta da partecipaziun da maniera positiva, chenünas da maniera negativa?

- Che formats frequentan jent uffants e giuvenils?
- Che imprendan ils uffants ed ils giuvenils in quistas spüertas da fuormaziun ecclesiastica?
- Che experiencias relevantas per la vita fan els?
- Che motivaziuns ed experiencias piglian catechets e ravarendas sco eir ulteriurs collavuratur voluntaris cun sai?
- Co as poja far punts plü attractivas pussibel tanter las spüertas?

Chi vain dumandà in quist stüdi?

Il stüdi sclerirà quista ed ulteriuras dumondas a man da **plüssas perspectivas**: Pro tuots duos stüdis nun as dumonda be ad **uffants** e **giuvenils**, dimpersè eir a **collavuratur(a)s** ed als **genituors**.

Co vain fat il stüdi?

Pel stüdi davart la **lavor cun confirmand(a)s** sun planisadas **duos retscherchas**, üna al cumanzamaint dal temp da confirmaziun **d'utuon dal 2021 (t1)** ed üna cuort avant la confirmaziun **da prümavaira dal 2022 (t2)**:

- al termin t1 vain dumandà als confirmands ed als collavuratur,
- al termin t2 ultra da quistas duos gruppas eir als genituors.
- Scha la lavor cun confirmand(a)s dūra sur plüs ons, vain fatta la retschercha illas annadas chi sun in l'ultim on.

Pel **stüdi sül s-chalin primar** daraja üna **unica retschercha**:

Quista ha lö **da prümavaira dal 2022**:

- l's dumonda als uffants vers la fin dal s-chalin primar (dimena in spüertas per scolar(a)s da la 5. e 6. classa, scha quistas han lö da prümavaira 2022), a collavuratur(a)s ed als genituors.

La retschercha vain fatta sur ün **Tool-Online**. Quai nu pussibiltescha be da ramassar las datas da maniera plü simpla, dimpersè dà eir l'ocasiun da surgnir ün **feedback direct**, cun quai cha'l Tool furnischa subit üna simpla calculaziun statistica. Il Tool-Online nu vain concepì be pel stüdi, dimpersè sarà a disposiziun a las raspadas eir davo il stüdi e darà la pussibilità dad evaluar a cuort term las spüertas da fuormaziun ecclesiastica i'ls cumüns.

La protecziun da datas es essenzial per tuot il proget. Il stüdi as drizza tenor las **directivas da la protecziun da datas** actualas ed i vain elavurà implü ün **plan da gestiun da datas**. La retschercha vain fatta da maniera anonima ed il Tool es programmà uschè ch'üna persecuziun retrospectiva nun es pussibla da far. Eir lur datas da contact sun confidenzialas e vegnan üttilisadas unicamaing pel scopo da quist stüdi.

Nus guardain cha las singulas raspadas nun hajan d'impuonder bler temp per quista retschercha. Ellas survegnan tuot las infuormaziuns adüna per mail. Il Tool-Online registrescha las respostas da maniera automatica, uschè chi nu fa dabsögn da trametter ils questunaris vi e nan per posta, quai chi füss stantus.

Chi po as participar al stüdi?

Al stüdi pon as participar **tuot las raspadas**, chi sun responsablas l'on 2021/2022 per üna gruppa da confirmaziun e/o per spüertas da fuormaziun – eir ecumenicas – in üna 5. o 6. classa primara. I nu dà ingüna limitaziun da la partecipaziun. Sch'Els han dimena plüssas gruppas pon as participar tuot las gruppas al stüdi.

Nus invidain a tuot las raspadas da's participar, perquai cha nus spettain quattras ün purtret multifari da las differentas spüertas da fuormaziun e concepziuns. Il stüdi Tils spordscha però eir üna **plüvalur**, cun quai ch'Els survegnan ün resun davart Lur spüertas.

Co pon Els as participar al stüdi?

Pro la coordinaziun dal stüdi ans güdan las personas da contact da las differentas baselgias chantunalas. Sch'Els as vuessan participar al stüdi, Tils giavüschaina perquai da **trametter las datas da contact fin als 31 mai 2021 a Fabienne Greuter** (fabienne.greuter@uzh.ch):

- Nom da la raspada
- Adressa da la raspada
- Lur nom e prenom
- Lur adressa dad e-mail
- Il stüdi, al qual Els as participeschan (stüdi da confirmaziun o stüdi davart las spüertas ecclesiasticas sül s-chalin primar)
- Quantità da las gruppas/classas chi's participeschan
- Quantità dad uffants/giuvenils per gruppa

Els chattan in l'aggiunta ün formular, ch'Els implischan oura per quist scopo. Ils questiunaris sun concepits da maniera ch'els eruischan la fuormaziun actuala illas baselgias svizras e quai **our da l'optica da la pratica**. Ils resultats dessan esser la basa per pudair fuormar in l'avegnir las spüertas ecclesiasticas per uffants e giuvenils da maniera amo plü attractiva, plü ferm orientada a la gruppa in mira ed amo plü persistente. Perquai Tils **mettaina a cour da's participar al stüdi**.

Per dumondas ed ulteriuras infuormaziuns sta duonna Fabienne Greuter gugent a disposiziun (fabienne.greuter@uzh.ch / 078 775 68 33).

Cun amiaivels salüds

Prof. Dr. Thomas Schlag

Fabienne Greuter

PD Dr. Stefanie Lorenzen

Dr. Rahel Voirol-Sturzenegger